

## Farg'onada Zulfiya nomidagi Davlat mukofoti tanloving viloyat bosqichi bo'lib o'tmoqda

Bugun Farg'ona shahrida Zulfiya nomidagi Davlat mukofoti tanloving viloyat bosqichi tashkil etildi. Ochilish marosimida viloyat hokimining o'rinosbosari – Oila va xotin-qizlar boshqarmasi boshlig'i Komila Kavlonova ishtirok etdi.

Tadbirda iste'dodli qizlarni tanlash va ularning iqtidorini ro'yobga chiqarishda, ijodkor, san'atsevar, olima, oqila, shoira, sportchi qizlar safini kengayib borishida mazkur muhim o'rinn tutayotgani qayd etildi.

Zulfiya nomidagi Davlat mukofoti uchun 7 ta yo'nalishda yutuqlarga erishgan o'n to'rt yoshga to'lgan va o'ttiz yoshdan oshmagan iqtidorli qizlar qatnashish xuquqiga ega ekanligi yana bir bor ta'kidlandi. Tanloving 19 ta shahar-tuman bosqichida ishtirok etgan 687 nafar iqtidorli qizlar orasidan 121 nafari viloyat bosqichiga yetib kelgani ma'lum qilindi.

Ishtirokchilarning ijodiy ishlari, siyosiy-ijtimoiy bilimlari, urf-odatlar, milliy qadriyatlarni bilishi, ko'rik-tanlovlardagi ishtiroki, iste'dodini bir necha yo'nalishlarda ko'rsata olganligini o'rganish uchun o'z sohasini bilimdoni bo'lgan tanlov komissiyasi a'zolari tanishtirib o'tildi.

Shundan so'ng nomzodlar adabiyot, san'at, fan, ta'llim, madaniyat, sport va jamoatchilik yo'nalishlarida o'z imkoniyatlarini namoyon etishga kirishdilar. Belgilangan tartibga ko'ra, yakunda tanlov komissiyasi a'zolari Respublika komissiyasiga eng munosib 21 nafar nomzodni tavsiya etadilar.

Ma'lumot o'rnida: bugungi kunda viloyatimizda 28 nafar iqtidorli qizlar Zulfiya nomidagi Davlat mukofoti sovrindorlari bo'lishgan.

2022-11-15 15:55:28